

PETRI MALLEI  
RESPONSA  
A D  
INTERROGATA,  
A TENEBRIONE QUODAM,  
Plagiarii Patroni Protestantium  
PLAGIARIO PERPETUO,  
PROPOSITA EXIMIO PATRI,  
DU JARDIN

*Ordinis Prædicatorum Provinciali.*

ACCESSIT COMPENDIUM SENTENTIÆ  
QUA, RESPONSIS JAM PENE EXCUSIS,  
INTERROGATA LACERATA ET COMBUSTA SUNT.



LOVANIÆ,  
Typis JOANNIS BAPTISTÆ SCHELLEKENI  
è regione Academiæ. 1723.  
*Cum Approbationibus.*

## P R O Æ M I U M.



Uam in *Bellarmini Vindicati* Procœmio non frustra monuerim, me Patroni Protestantium, seu potiùs Launoii, Du Pin, imò Hæreticorum cavillos refutare, ne novi Hostes Ecclesiæ iisdem Constitutionem UNIGENITUS vellicare pergant, suam excusare contentur pervicaciam, insultentque Catholicis; res ipsa probat. Sparsum est enim Folium sine approbatione, sine nomine typothetæ, sine impressionis loco, hoc titulo: *Interrogata brevia proposita Rev. Adm. Ex. Patri THOMÆ DU JARDIN S. T. Doctori, Ordinis Prædicatorum Provinciali, circa Dissertationem ejus compendiosam de Bulla UNIGENITUS*: in quibus *Interrogatus* vix occurrat quidquam, quod non sive in *Bellarmino Vindicato*, sive in *Opusculis* prioribus anticipatâ confutatione enervarim. Cum ergo Folium istud me quoque tangat, & ad salutem animarum Ecclesiæque gloriam intersit, ipsius Hostes ne tantillo quidem tempore apud imperitum vulgus triumphum canere & incautis illudere; meum esse censeo, ut, nullâ morâ interpositâ, Opus tenebrarum, quamvis contemptu dignum (utpote ex uno conflatum plagio) jam refutatum fuisse demonstrem, priusquam editum. Audiamus Tenebrionem, Folii auctorem.

## §. I.

**N**egat, Bullam UNIGENITUS acceptandam eo quòd APOSTOLORUM PRINCIPI à Christo dictum sit: PASCE AGNOS MEOS, &c. Joan. 21. *Quærit 1., an juxta Regulam Concilii Tridentini, S. Scriptura explicanda non sit juxta unanimitatem SS. Patrum consensum?* Dein, utrum juxta Patres illud; PASCE AGNOS MEOS &c. in Petro dictum non sit ceteris Apostolis, ac proinde etiam illorum Successoribus Episcopis? Ita Patronus Protestantium Stateræ part. 3. fol. 51. 53. 54. ex Launoio part. 5. ep. 8., Du Pin Dissert. 5. c. 2.

Respondi ad 1. in *Bellarmino Vindicato* f. 184: moxque

que à f. 185. usque ad 193. inter cetera testimonia productis Patribus plurimis, imò & Conciliis, à quibus illa Christi verba explicantur pro infallibilitate Pontificis; provocavi, iterum ac tertium provoco Quénellianos, ut vel unum allegent Patrem, qui tò *Pasce Agnos meos* &c. interpretetur contra Pontificis infallibilitatem. Sua ergo interrogatione Quæsitòr constrictus tenetur. Multos item Patres, & Ecclesiam Gallicanam in Missa S. Petri, jam à tribus amplius annis exhibui *Pastoris Boni* parte 1. à f. 72. Quæro, an in Polemico Quælitore tolerandum sit, ignorare ea, quæ à tanto jam tempore sunt responsa? Quæro, an sit Viri honesti, ea dissimulare? Præsertim cum nec Patronus Protestantium (qui *Pastorem meum Bonum* in aliis pauculis refellere conatus fuit, sed à me confutatus est in *Quénelliano inter Malleum & incudem*) nec ullus alius Quénellianorum, quidquam ad hæc reponere potuerit.

Respondi ad 2. in *Bell. Vindic.* f. 179. 186. 181. 182.; & evici; juxta illos ipsos Patres, quos pro hoc quælitò attulit Patronus Protestantium, tò *Pasce Agnos meos*, *Pasce Oves meas*, sensu litterali & immediato dictum non esse ceteris Apostolis; multo minùs Episcopis; sed Petro soli: imò id confeci ex ipsis verbis Christi citatis ab iisdem Patribus, & locis objectis quidem: item ex Patribus aliis f. 183. Præterea in hoc quæsitò, nisi nugatoriè proponatur, necessariò supponi tria maximè absurda, & conjuncta cum hæresi, demonstravi f. 183. & 184. Denique à f. 179. usque ad 193. ostendi, infallibilitati Pontificis patrocinari ipsos Patres objectos, aliosque plurimos in hunc locum; quin & adjeci Generalia Concilia: indèque intulis Adversarium potiùs à Regula Tridentini recedere.

*Quærit præterea, an ex eo quòd Pontifex sit Pastor Ecclesie, sequatur, esse Pastorem infallibilem; cum & Episcopi sint Pastores sue Ecclesie, nec tamen infallibiles sint?* Patrio- nus Protest. f. 48. & 49., post Amelium Calvinistam.

Respondi f. 168. & 169., ac discrepantiam dedi aper- tissimam.

*Quærit 3., an sequatur: Christus dixit facienda esse om-  
nia,*

*nia qua dixerint Scriba & Pharisei SEDENTES SUPER CATHEDRAM MOYSI: ergo dixit facienda esse omnia qua dixerint, absque ulla exceptione; etiam ( cum ) docerent filios dicere Corban? Patron. Protest. f. 49. post Hæreticos, Witakerum, Hunnium, Junium.*

Respondi f. 169. 170. 171., & ex Patribus demonstravi, verbis Christi objectis infallibilitatem Pontificis, è Cathedra Petri docentis Ecclesiam, mirificè confirmari. Quæro ergo, an Quæsitior cum Hæreticis à Gretsero confutatis tomo 1. Col. 1271. probandum suscipiat, 1. quòd Scribæ & Pharisei isti, qui docebant filios dicere *Corban* ( *quod est donum*, Marci 7. 9. 11.; cum filii prætextu donum offerendi Deo non satis juvarent parentes ) *sederent super Cathedram Moysi?* 2. quòd id docerent *ex Cathedra* ista, seu ut Doctores totius Synagogæ?

Audiat interea præter PP. allatos S. Chrysost. illud Joan. 11. CUM ESSET PONTIFEX anni illius, prophetavit, sic exponentem: *Vides, quanta sit PONTIFICALIS potestatis virtus? Non perpetuum jam Sacerdotium, sed annuum dabatur, ex quo venales factierant Principatus: verumtamen ETIAM SIC ADERAT IPSIS SPIRITUS.* hisdem verbis utitur Theophylactus, addens quòd *Spiritus S. operaretur in his QUI UNCTI ERANT.* Videat etiam Bedani. Hinc D. Thomas Quodlib. IX. art. 16. in O: *Magistandum est sententia Papa, ad quem pertinet DETERMINARE DE FIDE quam in judicio profert, quam QUORUMLIBET sapientium hominum in Scripturis opinione; cum CAIPHAS, quamvis nequam, tamen QUIA PONTIFEX, legatur etiam msciis prophetasse.* Hinc à Bernardo Bell. Vind. f. 190. R. Pontifex auctoritate Moyses appellatur: ab Innocentio III. Past. Bon. f. 60. *Deus Pharaonis* ( quod nomen Moyse dedit Dominus Ex. 7. 9. 11. ) *inter Deum & hominem medius, citra Deum, sed ultra hominem, minor Deo, sed major homine, QUI DE OMNIBUS JUDICAT, ET A NEMINE JUDICATUR; adeoque infallibilis est, ut Moyses.*

Circa illud Christi: *Ego autem rogavi pro te ( Petre ) ut non deficiat FIDES tua: & Tu aliquando conversus CONFIRMA FRATRES TUOS; quærit I., an VEL ULLUS SS. Patrum locum istum sic interpretatus sit, ut inde concluderet, Pontificem esse infallibilem? Et an ALTUM istud SILENTIUM SS. PA*

*trum de infallibilitate; cum maximè locus esset eam insinuandi, non sit vehemens prajudicium adversus explicationem quam allegat Eximius Pater? Patr. Protest. f. 36. 53. 55. ex Launoio part. 5. ep. 2. & 6.*

Respondi in *Bell. Vind.* à f. 31. usque ad 93., adducto integro SS. Patrum agmine; imò & Conciliis Generalibus. F. 87. in certamen vocavi Quenellianos. & rursus voco Quæsitorem, ut *vel ullum* proferat S. Patrem, qui locum istum sic interpretatus sit, ut negaret Pontificem esse infallibilem? Quæro etiam, an à Quæsitore confictum *altum silentium* SS. Patrum non sit *clamans* ipsius mendacium; si viderit quot Patres, imò & Concilia Universalia exhibuerim in *Pastore Bono* à f. 57. usque ad 65., *altum* silente ipso Patrono Protestantium? Si non viderit; an non sit error temerarius, & in tali Quæsitore minimè ferendus? Quæro, an *altum* istud *silentium* utriusque non sit *vehementissimum prajudicium*, tum pro explicatione Fidei CATHOLICÆ proxima, tum adversus Quenellianos, qui, dum respondere deberent, & non possunt, quærunt quod jam antea ipsis clarissimè ostensum est, quodque invenire nolunt?

*Quærit 2. ; an præter alios Patres qui diversimodè locum istum interpretantur, etiam non sint plures qui intelligunt Christum orasse, ut Sedes Petri, seu Apostolica Sedes à fide numquam deficeret : & an sic ipse Bernardus loco ab Ex. Viro allegato non sentiat; cum ibidem dicat : " Cui enim, alteri SEDI dictum est aliquando : Ego pro te rogavi, ut non deficiat fides tua. ", Numquid porro SEDES intelligenda est cum omnibus qui Sedi adunati sunt? Patron. Protest. fol. 34. 35. 53. ex Launoio citato; Du Pin Dissertatione 5. c. 2.*

Respondi in *Bell. Vind.*, Patres, qui juxta Patronum Protestantium intelligunt Christum orasse, ut Sedes Petri, seu Apostolica Sedes à fide numquam deficeret, per *Sedem* metonymicè intelligere Pontificem in Apostolica Sede Petri *sedentem* (quam metonymiam aliis etiam Patribus usitatissimam esse, demonstravi f. 133. 134. &c.) imò etsi per *Sedem* non intelligerent Pontificem, tamen Sedis infallibilitatem à Pontificis infallibilitate derivare;

addeque hanc à fortiori asserere. De Leone IX. id probavi à f. 63., de Gregorio VII. à f. 39., de Innocentio III. à f. 72., de S. Bernardo à f. 83.; qui in omnibus, quas vidi, editionibus sic habet; *Cui enim alteri aliquando dictum est: Ego pro te rogavi PETRE, ut non deficiat fides tua? Ergo quod sequitur, à PETRI SUCCESSORE exigitur: Et Tu aliquando conversus CONFIRMA fratres tuos; ubi perspicue explicat, prærogativam infallibilitatis, quam Sedi tribuebat, Petri Successoris in ea sedentis, prærogativam esse. Pluribus hoc luce clarius ostendi ibid. Imò ipsum Patronum Protestantium per Sedem Petri intelligere debere Pontificem in illa sedentem, contecti f. 140. Denique etsi Patres illi nec per Sedem intelligerent Pontificem, nec infallibilitatem Sedis ab infallibilitate Pontificis derivarent; quæro, an affirmando infallibilitatem Sedis, negarent infallibilitatem Pontificis in ea sedentis? Quæro, an hanc non affirmant aliis locis, quos ibidem exhibui? Quæro, an eandem non tradant Patres alij, Concilia, etiam OEcumenica, locis jamjam indicatis?*

Per Sedem Petri, seu Apostolicam Sedem nullo modo apud S. Bernardum intelligi posse Sedem cum omnibus Sedi adunatis, demonstravi f. 85. Idem patet legenti verba Leonis IX., Gregor. VII., Innocent. III.

Quartii 3., an verba ista S. Leonis M.: "In Petro omnium, fortitudo munitur, juxta aperitissimam ejus mentem intelligenda non sint de singulari privilegio Petri, quo ceteros Apostolos post passionem confirmare debeat: cum subdat mox hæc verba: "Divina gratia ita ordinatur auxilium, ut firmitas, qua per Christum Petro tribuitur, per Petrum Apostolis ceteris conferatur?," Patron. Protect. f. 25. ex Launoio citato.

Respondi à f. 42., & verbis Leonis comprobavi, hæc juxta apertissimam ejus mentem intelligi non posse de privilegio Petri ut personæ privatz; sed Petri, ut Pontificis: unde conclusi; si Petrus ut Pontifex post passionem debuit in fide confirmare ceteros Apostolos; multo magis fideles reliquos: proinde idem jam debent Pontifices Petri Successores: hoc verò debitum sine infallibilitate ridiculum, imò impossibile esse, ostendi fol. 188 &c.

Eadem

Eadem jam à triennio demonstravi *Past. Boni* p. 1. f. 57. 58. 65. Quæro, an hæc ignorare, vel dissimulare debuerit Quæritor noster?

Antequam à SS. Litteris & interpretatione Patrum abeamus; quæro, an in *Past. Bono* non evicerim à f. 30. usque ad 36. Christum Petri & Successorum infallibilitatem his reveasse verbis: *Tu es Petrus, & super hanc petram ædificabo Ecclesiam meam*? Eamque hic revelatam agnovisse Patres à f. 36. usque ad 55.? Quæro, an non addiderim Patres alios in *Bell. Vind.* à f. 95. usque ad 166., solutis cavillis Patroni Protestantium? Idem quæro de verbis Exod. 28., & Deuteronom. 17. à f. 194. usque ad 197. Quid ad hæc Quæsitæ Plagiarius Patroni perpetuus?

Contra *argumentum* pro infallibilitate R. Pontificis *petitum ex his verbis S. Augustini*: A SEDE APOSTOLICA RESCRIPTA VENERUNT: CAUSA FINITA EST ( quod *centies profligatum* vocat ) *querit* 1., an *sincerè Theologi sit*, mentem illius Sancti indagare per sententiam aliquam AMBIGUAM, relictis aliis *apertissimis & minimè dubiis*; ex quibus constat OBSCURIOREM illam multò aliter quàm de infallibilitate R. Pontificis intelligendam? Patron. Protest. f. 71.

Respondi in *Bell. Vindic.* f. 199., & planum feci, illam S. Augustini sententiam aded esse *indubitatam*, aded *manifestam*, argumentum ex ea sumptum aded ineluctabile, ut ipse Patronus Protestantium tacere tandem coactus fuerit à *Theologo Romano-Catholico* ab annis plùs quatuor. Quæro vicissim, an *sincerè* non dico Theologi, sed vel Plagiarii sit, cladem hanc minimè ambiguam aut obscuram dissimulare, in totius Belgii luce publica quærere tenebras, imò argumentum, quo prostritus est Patronus Protestantium, tamquam *centies profligatum* exhibilare? Quæro, an hoc non sit fraudulenti Tenebrionis, & gloriolam ex dedecore captantis Thraçonis, aut Pyrgopoliticæ?

Plures *apertissimas & minimè dubias* S. Augustini sententias addidi f. 133. 138. 139. 188.; ex quibus constat, etsi illa foret obscurior, tamen de infallibilitate R. Pontificis intelligendam.

*Querit* 2: cur rectè sequitur; "Augustinus dixit, *Roma*

„*mā (ab Apostolica Sede) Rescripta venerunt, Causa finita* „*est: „ ergo Augustinus sensit Pontificem esse infallibilem; cum non rectē sequatur: Augustinus respondens Pelagianis ac imprimis Juliano dixit, „ Vestra... apud competens iudicium communium Episcoporum causa finita est: „ ergo sensit Augustinus Episcopos esse infallibiles? Lib. 3. cont. Jul. cap. 1. n. 5. Quæsitum hoc furatus est à Patron. Protest. f. 73.*

Respondeo ex *Bell. Vind. f. 71.*, & hoc ultimum rectē sequi: cum causæ fidei *finiri* nequeant, nisi iudicio infallibili. Non tamen Augustinus à communium Episcoporum numero exclusit Rom. Pontificem, qui Africanorum Episcoporum, seu Conciliorum particularium iudicium supremo ac definitivo suo iudicio confirmaverat; ante cuius iudicium nusquam dixit causam Pelagianorum esse finitam, & cuius iudicio per Rescripta accepto, finitam esse dixit *serm. 131. de verbis Evang. 1. &c. in Bell. Vind. fol. 138.*

*Quærit 3: an utrobique dixit causam esse finitam, quia utrumque Tribunal credebatur infallibile; an verò quia dicebat hæresim Pelagianam APERTAM continere PERNICIEM, qua non EGERET Concilio Generali, sed tantum COMPETENTI IUDICIO: uti id asserit l. 4. con. duas epistolas Pelag. cap. ult. & Patron. Protestant. ibidem & f. 77.*

Responsum patet ex dictis: asseruit causam esse finitam, quia utrumque Tribunal, seu iudicium, credebatur infallibile; & R. Pontificis se solo, & Conciliorum Africanorum particularium confirmatorum à R. Pontifice. Numquam dixit, ideo præcisè causam finitam, quia ipse videbat hæresim Pelagianam apertam continere perniciem. Quæsitorem suâ interrogatione convincamus. Si, ut ait, dicebat Augustinus quod hæresis Pelagiana, etsi apertam contineret perniciem, tamen egeret competenti iudicio; nempe ut ea hæresis & perniciēs legitimè declararetur Fidelibus; profectò sine illo competenti iudicio causam finitam nec dixit, nec dicere potuit, nisi juxta Adversarium secum ipse pugnaret. Quod si tunc hæresis Pelagianorum non egebat Concilio Generali; quanto minùs nunc hæresis Jansenianorum, seu Quenellianorum, jam annis 80. à tot Pontificibus, ab Episcopis, totaque Eccle-



Ecclesia toties, tam clarè, tam solemniter damnata; ut ostendi *Dialogo secundo*, annis abhinc tribus & amplius in lucem dato, tacentibus hætenus cum Patrono Protestant. Quênellianis universis? Si ergo Appellationem Pelagianorum ad Concilium Generale tantopere execratus est S. Augustinus, ut eodem loco subjecerit: *Orbem Catholicum, quoniam Domino eis resistente pervertere nequeunt, saltem commovere conantur: cum potius vigilantia & diligentia Pastoralis post factum illis competens sufficiensque iudicium, UBICUMQUE LUPI ISTI APPARUERINT, CONTERENDI SINT;* quantò magis abominaretur Appellationes Quênellianorum, jam per tot annos, tot nefariis famosisque Libellis Supremum Caput totumque Corpus Ecclesiæ proscindendum?

Sed cur, inquires, Augustinus serm. 131. dixit causam esse finitam per *Rescripta R. Pontificis*; l. 3. cont. Julian. *apud competens iudicium Episcoporum*?

R. Quia serm. 131. perorabat ad Catholicos anno 417. simul atque ab Innocentio I. Rescripta venerant; fatente Patrono Protestantium f. 74: at l. 3. cont. Julian. scripto an. 422. (teste eodem Patrono f. 75.) respondebat Juliano Hæretico, qui cum aliis 17. Episcopis Pelagianis jam ad Concilium provocaverat, & ipso loco objecto n. 2. Episcopos orthodoxos calumniabatur, quòd prius causam coeperant odisse, quam nosse. Illud ergo ibi retellere debuit Augustinus, non Pontificis infallibilitatem defendere. Quamquam nec hoc omnino prætermisit. Jam, inquit, superiore libro respondi; lib. 2. cap. ult., ubi inter cetera hæc habet: *Lege, quæ dicat in laudem beatissimi Pape Innocentii Pelagius; nempe in Libello fidei, quem ab Africanis Conciliis appellans ad Innocentium misit. Hæc est, inquit, fides, Papa beatissime, quam in Ecclesia Catholica didicimus, quamque semper tenuimus, & tenemus. In qua si quid minus peritè, aut parùm cautè aliquid fortè posuitur est, emendari cupimus à te, qui PETRI ET FIDEM ET SEDEM TENES. Sin autem hæc nostra confessio APOSTOLATUS TUI JUDICIO comprobatur, QUICUMQUE me maculare voluerit, se impertitum, vel malevolum, vel etiam NON CATHOLICUM, non me Hæreticum comprobabit.* Habetur in Appendice partis 2. tom.

tomus X. S. Augustini : & illius disertè meminit ipse Augustinus l. de grat. Christi c. 30. c. 32. integram ex eo sententiam refert. Ergo S. Augustinus infallibilitatem ab ipso Pelagio tributam fuisse Pontifici , Pelagiano isti objecit. Rursus l. 1. cont. Jul. c. 4. dixerat : *Cui Ecclesia præfidentem beatum Innocentium si audire voluisses , jam tunc periculosam juventutem tuam Pelagianis laqueis exuisses. Quid ENIM POTUIT Vir ille sanctus Africanis respondere Conciliis , nisi quod antiquitus Apostolica Sedes . & Romana cum ceteris tenet perseveranter Ecclesia ?* Hic rursus traditam ab Augustino Pontificis infallibilitatem probavi in *Bell. Vind.* f. 139. adversus Launoium. L. 2. cont. duas ep. Pelag. c. 3. apertè ait : *Litteris beata memoria Papa Innocentii... de hac re dubitatio TOTA sublata est ;* quibus verbis infallibilitatem asseri , demonstratum vide f. 138.

Itaque infallibilitatem Pontificis acutè tenuit Augustinus , non tantùm perorans ad Catholicos , sed etiam Hæreticos appellantes impugnans , & iis in Operibus tenuit , quæ objiciuntur.

Fidelissimus contra Pelagianorum Reliquias Interpres Augustini , acerrimusque vindex S. Prosper causam Pelagianorum & Judicio R. Pontificis finitam fuisse , & ob illius Judicium à tota Ecclesia damnatam Pelagianam hæresim , docet locis à me citatis in *Bell. Vind.* f. 14. & 198. Idem professi sunt 30. Episcopi Galliæ f. 199.

Augustinum sunt imitati Episcopi plerique Catholici , dum contra Quenellianos urserunt Judicium Episcoporum , licet simul infallibilitatem Pontificis acerrimè illis objecerint. Patent hæc ex authenticis ipsorum Epistolis in libro qui inscribitur : *Le témoignage de l'Eglise Universelle en faveur de la Bulle Unigenitus.* Vide etiam *Dialoga meo secundo* f. 44. pulcherrimum testimonium Cardinalis Noaillii cum aliis undecim tum Archiepiscopis tum Episcopis Galliæ in Litteris datis ad Clementem XI. de sententia Cleri Gallicani circa acceptionem Constitutionum Apostolicarum : ex quibus Litteris Cardinalem illum convicit S. Ecclesia Romana an. 1716. in ea Epistola , quam exhibui *Pastori Boni.* part. 1. f. 94. & seqq. Ullusne Quenellianorum verbum unum respondere ausus est ?

*Quærit*

*Quærit demum, cur idem Augustinus in causa Cypriani adversus Stephanum Papam, nusquam dixerit: "A Stephano, no Rescripta venerunt, causa finita est: .. sed constanter asserat, causam esse finitam plenario totius Orbis Concilio? Lib. 1. de bapt. cont. Donat. c. 7. & alibi sæpius. Parrou. Protest. fol. 72. ex du Pin.*

Responsum est centies : Quia S. Stephanus nihil de valore Baptismi ab Hæreticis collari definierat, tamquam fide tenendum; nam Cyprianum alioque contrarium sentientes non excommunicavit (sicut S. Innocentius I. necessitatem gratiæ definierat, & Pelagianos excommunicarat in suis Rescriptis ad Concilia Africana: ) sed tantum præceperat servari consuetudinem non rebaptizandi baptizatos ab Hæreticis. Ut patet tum ex verbis Stephani : *Nihil innovetur, nisi quod traditum est, ut manus imponatur in poenitentiam*, tum ex Augustino l. 2. de bapt. cont. Donat. c. 9. & alibi sæpiissime. Valor talis Baptismi tantum definitus fuit postea in Concilio plenario, teste Augustino. Hinc quia Donatistæ, non obstante plenario Concilio, pergebant negare valorem Baptismi ab Hæreticis collati, eos tamquam in hoc jam aperte Hæreticos plenarii Concilii auctoritate mactavit Augustinus. Præceptum Stephani de non iterando Baptismo ab Hæreticis collato erat extra statum quæstionis de valore talis Baptismi. Videbat etiam Augustinus, Donatistas qui plenarii Concilii definitionem contemnerent, multo facilius solum præceptum Stephani contempturos: dicturos etiam, Cyprianum, qui præceptum illud scriptis acriter exagitarat, semper in Ecclesia fuisse; ac proinde se vi hujus præcepti ut Hæreticos traduci non posse ab Augustino, nisi ut Hæreticus traduceretur Cyprianus. Quid respondisset Augustinus? Quid respondisset Quæsitör, si Augustini fuisset loco? Hinc semper ita inculcavit Donatistas, ut, quantum posset, excusaret Cyprianum : Concilium ipsis plenarium, non præceptum Stephani Cypriano datum objecit.

Ipsè Cyprianus, loco citato in *Past. Bono part. 1. f. 105.* ait : *Navigare audent ad Petri Cathedram, & Ecclesiam Principalem: nec cogitant eos esse Romanos, ad quos per-*

*Alia non potest habere accessum; nempe quia semper obtemperant Petro in suis Successoribus vice Christi iudicanti. Vide Bell. Vind. passim, & infra f. 13.*

*Miror, inquit Quæsitör, te usque adeo contemptim loqui de impugnatoribus Pontificia infallibilitatis, quasi minutissimo sint numero; postquam edis libris tanta testium nubes à sacra antiquitate producta est, atque adeo ex vestra Familia; QUIDQUID SENSERIT D. THOMAS. Quæ si ignoras, crassissima inscitia; si nosti, perversa voluntatis argueris.*

R. Miror ego, extra oleas vagari Quæsitorem; cum Vir Eximius tantum dixerit, pauculos esse Gallos Appellantes; & meritò: quippe Dialogo primo ostendi, Appellantes ne millesimam quidem partem Orthodoxorum æquare, etiam in sola Gallia. Non dixit, minutissimum esse numerum impugnantium Pontificiam infallibilitatem; etsi antea verè asseruerit, paucos illorum CONTENDERE. Rescripta Romana, dum Aug. dixit causam finitam, ex tunc ratius Ecclesia consensu fuisse firmata; idque perperam, ut probavit ex ipso Nat. Alex. Minutissimus tamen est; imò nullus, si sacra antiquitate, etiam Galliz, standum sit. Patres Gallos enumeravi plurimos tum Pastoris Boni part. 1., tum in Bell. Vind. Addam multò plures, si Quæsitör velit.

Nubem testium è sacra antiquitate, quam productam jactat, exhibeat, si Vir est: unum saltem Patrem producat, etiam Gallum. Multa ergo quærit, probat nihil.

Theologos S. Familie Prædicatorem, à Patrono Protestantium productos ex Launoio, vindicavit Eruditissimus P. Guilielmus Poelman ejusdem Ordinis, atque hominem loquacem reddidit Harpocraten. Quæ si ignorat Quæsitör, crassissima inscitia; si novit, perversa voluntatis arguitur.

Divum Thomam jactarat Patronus Protestantium Stat. p. 3. fol. 119. tam infallibilitati Pontificis adversum esse, quam nos eum favere existimemus. Doctorem Angelicum clarè & constanter totum nostrum esse, imò ab infallibilitate Pontificis derivare infallibilitatem Ecclesiæ, probavi 1720. in Past. Bono f. 66: anno sequenti miserum Patronum; ut par erat, depexum dedit R. P. Poelman. Gaudeo id à nobis effectum, ut effutire cogatur Quæsitör: Quidquid senserit D. Thomas.

*Ignorare non potes, ait, totam Ecclesiam Gallicanam stare*

*pro duobus Conciliis, Constantiensi & Basileensi, in quibus Pœnitentia infallibilitas confixa est. Patronus Protest. in Com-  
monitorio Schismatico f. 8., & Stat. p. 3. f. 92. 99.*

R. Ignorare non potest Quæstor, me *Pœnit. Boni* p. 1. f. 26. & seqq., p. 2. f. 51. Patrono isti de his omnibus imposuisse silentium. Si ignoraret tamen, *crassissima inscitia* suo ipsius ore argueretur.

## §. I I.

**N**egat Tenebrio, saltem Romani Pontificis definitionibus obediendum, quamdiu ab ipsa Ecclesia, live à Corpore Episcoporum improbatæ & falsitatis convictæ non fuerint.

*Quæstor*, inquit, *an vana ista obedientia sine ulla exceptione, ut antè dictum est, non sit ab ipso Christo DAMNATA in Evangelio, dum liquidò docet peccasse liberos, quando... Scribæ & Pharisei obediendo dicebant Corban? An etiam non stet firmum fundamentum Dei, OBEDIRE OPORTET DEO MAGIS, QUAM HOMINIBUS. Act. 5. 9. Patronus Protest. Stat. p. 3. f. 19. & 49. post Lutheranos & Calvinistas.*

Respondi hæc f. 4. probandum Quæstor cum Lutheranis & Calvinistis jam confutatis, Scribas & Phariseos istos & fuisse Summos Pontifices, & definivisse, à tota Synagoga dicendum *Corban*. Sanè liquidò præcepisse Deum, ut Summis Pontificibus Judæorum obediretur absque ulla exceptione, etiam pœnâ capitis non obedi-  
tibus propositâ; evictum dedi in *Bell. Vind.*, ubi à f. 16. urfi illud Deuteronom. 17. 9. 12. & 13: *Qui autem super-  
bierit, nolens OBEDIRE Sacerdotis imperio..., morietur homo ille..., cunctusque populus audiens timebit, ut nullus deinceps intumescat superbiâ.* Et illud Josephi: *Dijudicat controversias* (Summus Pontifex) *cui qui non OBEDIT, is pœnas luit, tamquam in ipsum Deum impius.* F. 198. ex Deuteronomii verbis concludit S. Bonaventura: *Multo fortius tempore veritatis & gratia revelata, quando Christi Vicario plenitudo potestatis collata esse dignoscitur, malum esse constat, NUL-  
LATENUS ESSE TOLERANDUM, in fide vel moribus ejus diffinitioni dogmatizare contrarium, &c.* Imò S. Cyprianus ibidem docet, *non aliunde HÆRESES obortas, aut nata schis-*  
MATA,

**MATA**, quàm inde, quòd Sacerdoti Dei non OBTEMPERATUR. Dei Vicario obediētes; neglectis allatrantibus. Quēnellianis, Deo magis quàm hominibus obedire; Dei Vicario non obediētes ob Hæreticorum istorum sophismata & calumnias, hominibus magis obedire quàm Deo, imò Deum spernere, patet ex Bell. Vind. f. 80. Pulchrè S. Nicolaus ep. 10. ad Clerum Constantinopolitanum apud Lab. t. 8. col. 364. Nolite, inquit, nobis inobediētes esse, quoniam inobediētia Protoplastum, de paradiso expulit. Inobediētia idololatria meritò nuncupatur, sicut Sanctus Samuel ad Saulem loquitur: " Quasi peccatum ariolandi est repugnare, & quasi scelus idololatria nolle acquiescere. „ Perpendite ergo, quantum sit execrabile repugnare, quantum detestandum acquiescere nolle, quod ariolandi peccato, scelerique idololatria comparatur. Clamat Apostolorum Princeps (Actor. 4.) OBEDIRE OPORTET DEO MAGIS, QUAM HOMINIBUS; & Coapostolus ejus Paulus (Rom. 13.) " Qui resistit, resistit, potestati, Dei ordinationi resistit. „ Judicete ergo cui potius obediendum sit; DEO, AN HOMINIBUS: Judicete, cui potius resistendum sit; potestati, quam in Petro Deus omnipotens ordinavit, quamque SUPER CUNCTA ECCLESIA extulit, an ordinationi Gregorii Syracusani (Quēnelli) cui merito malitia sua dicendum est: Va homini, videlicet per quem in Ecclesia Christi tot scandala venerunt; quæque olim, sicut ipsi scitis... , à fratre & comministro nostro Ignatio (Humberto illustris memoriz) depositus (anathemate percussus) est: eoque numquam solutus terribile Christi Tribunal adire est ausus: S. Nicolaum I. sibi infallibilitatem vindicasse, contra Patronum Protestantium planissimè demonstratum vide in Bell. Vind. à f. 58. Sacra hæc sententia: Obediēte oportet Deo magis, quàm hominibus, abusi etiam sunt Lutherani & Calvinistæ, ut in damnandis hæresibus suis, quas à Deo esse mentiebantur, numquam obediērent.

### §. III.

**N**egat Quæsitior admittendam Constitutionem ob INANE SIMULACRUM ( ut loquitur ) cujusdam ACCEPTATIONIS, qua Eximius Pater FINGIT, Bullam Unigenitus

genitus ab universa Ecclesia acceptatam. Addit: Id FIDENTER dico, te omnes ejusmodi acceptationis Regulas vel ignorare surpiter, vel pessimè dissimulare. Patronus Proteste Stat. p. 2. à f. 78., & p. 3. à f. 213. usque ad 217.

Respondi Patrono Protestantium jam à quadriennio Dialogo 1. & 2. atque iterum Pastori Boni p. 1. à f. 128. & hominem linguacem elinguem reddidi. Quæ si ignoras. Quæsitior, *crassissima inscitia*, si novit, *perversa voluntatis* suis verbis arguitur.

Fidenter, imò confidentissimè dicere Quæsitorem, quæcumque dicit, omnibus Orthodoxis, quin & Quênellianis patet, etsi ipse nullus monerèt. Confidentissimè sanè vocem totius Ecclesiæ ut *inane simulacrum* explodit: cum jam à tot annis demonstrarim, quodd (Viri planè Eximiis verbis libenter utor) Nullius Pontificis maximi Bullam dogmaticam, puta Leonis X. contra Lutherum; Pii V. contra Baium; Innocentii X. & Alexandri VII. contra Jansenium; Innocentii XI. contra Molinos; Alexandri item VII. & Innocentii XI. contra laxiores Casuistas; Alexandri VIII. contra Rigoristas, ADEO SOLEMNITER Ecclesia acceptavit, quàm Bullam Unigenitus contra Quênellum: Utpote quam omnes totius Europa Episcopi, Italia, Hispania, Lusitania, Sicilia, Polonia, Bohemia, Hungaria, Germania, Belgii, quin & ipsius Regni Gallia, si paucissimos Appellantes excipias, non solum CONSENSU TACITO (uti alias Bullas prænominatas) sed etiam EXPRESSO acceptarint, PROBARINT, MIRIS LAUDIBUS IN CŒLUM USQUE EXTULERINT, ET AMBABUS ULNIS AMPLEXATI SINT; quemadmodum ex eorum Litteris authenticis, & propriis testimoniis, typis editis, & quaquaversum divulgatis, toti orbi apertissimè constat. Hæc Quênellianis objecit Eximius Pater, de his ego Patronum Protestantium jam à tot annis plùs semel convici; nec contra mutire quidquam ausus fuit: qua ergo fronte ipsius Plagiarius vocem tam expressam, tam solemnem, tam exultabundam Ecclesiæ, Supremo Pastori Suo, tamquam venenatorum dogmatum & Luporum exterminatori gloriosissimo plaudentis, *inane simulacrum* appellare non reformidat? Qua fronte vocem illam Ecclesiæ, tam clarè, etiam ipsius Patroni Protestantium, & reliquorum Quênellia-

nellianorum silentio probatam, quotidie magis ac magis omnium aures animosque pulsantem, *fingi* calumniatur? Si Molinosi Sectatores, si Casuistæ laxiores decem annis ab acceptatione tacita Bullarum, quibus dogmata ipsorum damnata fuerant, Orthodoxis acceptationem istam objicientibus respondissent, tantum esse *inane simulacrum acceptationis, quam fingerent*; quot diris ipsos devovissent Janseniani? Cur ergo Catholicis acceptationem Ecclesiæ apertissimam, maximè solemnem, approbationem, laudationem planè singularem, imò defensionem objicientibus sic respondent; præsertim postquam responsio ista aliunde etiam jam à tot annis protrita jacet?

*Acceptationis Regulas* dum Ecclesiæ post Patronum Protestantium diu profligatum præscribit novus Doctor Ecclesiæ, apertè ostendit se judicare, Ecclesiam in dogmatibus fidei acceptandis errare posse: imò & in approbandis, laudandis, omnibus Fidelibus sub anathemate proponendis. *Fidenter dico*: ipsum absolutam Ecclesiæ infallibilitatem, & confutationes meas *vel ignorare turpissimè; vel pessimè dissimulare.*

*Quærit breviter...*, an *conquisitio* (examen) *observata* fueris ab ullo Episcoporum, qui Bullam amplexus est solo motivo infallibilitatis? An qui prævio examine & cum judicio acceptant, non debeant convenire de sensu Bullæ? An verò illi censendi sint unanimis in sensu & fide..., quorum alii simpliciter, alii non nisi restrictè acceptant Bullam: alii juxta verborum tenorem, alii non nisi relatè ad suas explicationes. Patronus Protestantium loco citato,

Ad has & alias similes quæstiones, calumniæ plenas, respondi ipsorum Episcoporum verbis satis prolixè ab annis plùs tribus toto *Dialogo 2., Past. Boni p. 1. à f. 132., item Dial. 3.*; nec Patronus Protestantium, nec Scriptor *Dissertationis, qua examinatur, an Constitutionem Unigenitus acceptaverit Ecclesia*, nec Auctor libri, *Le faux Schisme des Appellans*, quidquam reponere vel ausus est, vel potuit, ut Scripta sua defenderet; quamquam omnes sæpius provocarim. *Fidenter dico*, Quæsitorem hæc omnia *vel ignorare turpiter, vel pessimè dissimulare.* Quæro breviter, an quidquam habeat, quo contra responsa mea suam tueatur



tueatur calumniam, qua contendit, Ecclesiam in acceptanda ac proponenda fidei regula errare posse, imò reipsa errasse turpissimè? An arma non eripiat Catholicis adversus errores superiorum temporum? An non faveat errorum Auctoribus? Si argumentum in ipsum retorqueant, an non sit hæsurus pisce mutior?

Quod effutit : *Bulla explanationibus...*, veluti pannu obvolui debuit, ut vultum aliquem honestum præferret, Scurrà Lutherò contra Bullam Leonis X. digna blasphemia est.

Pergit : *Tuere gratiam tuam Thomisticam, affer lacinias tuas : quære sensus abstrusos quos condemnes, cum obvios non audes. Dicet tibi in os Pater Fontanus Jesuita, te ILLUDERE ECCLESIE DEI. An verò magis convenit inter Episcopos Acceptantes, quàm te inter & Patrem istum?* Ita Patronus Protest. in *Specimine servitutis, quam servire jubetur Scholæ Augustiniana sub Molinistica* f. 92. &c: quamquam hic tantum Patrem Fontanum calumniatus sit, quasi non dubiè significet, sententias Scholæ Thomistica, oppositas Molinismo, per Constitutionem damnari; non verò, Thomistas. Ecclesia illudere. Hic autem ipsius Plagiarius plus audet, simulque calumniatur Eximium Virum, & Thomistas, quòd fidei regulam mente restringant.

Respondi universè *Dial. 2. f. 112.*, mendacium esse, ullum Jesuitam gratiam Thomisticam, seu per se efficacem & erroneam dicere; nedum illusionem Ecclesiæ: & refensum probavi.

Nominatim à Patre Fontano similem calumniam depulit *Theologus Romano-Catholicus* in Appendice Libelli, cui titulus: *Patronus Protestantium ad extrema redactus*, ubi etiam notat, quòd Fontani liber prodierit non tantum permittente Fr. GREGORIO SELLERI Sacri Palatii Apostolici Magistro, Ordinis Prædicatorum, sed etiam magnificè approbante Fr. AUGUSTINO PIPIA, ejusdem Sacri Ordinis, tunc S. Congregationis Indicis Secretario, ac S. R. & universalis Inquisitionis Qualificatore; nunc totius Sacri Ordinis Magistro Generali. Tantà, inquit Vir ille, se gerit erga CATHOLICORUM SCHOLAS modestiâ & observantiâ, ut firmam ipse spem conceperim. etiam THOMISTICÆ ALUMNOS hoc volu-  
men haud parvi facturos. Sic enim Audet totam hanc mater-

giam perfractat, ut legenti clarè constet, ex NULLIUS PARTICULARIS SCHOLÆ PLACITIS pendere damnatorum Articulorum confutatos onem. In Approbatione Tomi 2. dicit: *Damnatas propositiones ibi confutatas validissimè.., præsertim verò SS. AUGUSTINI & THOMÆ, quibus ubique redundat, auctoritatibus, non in alienos detortus sensus, ut DETORQUERE SOLENT ADVERSARIJ; sed juxta GENUINAM utriusque S. Magistri MENTEM. Eâdem itaque approbatione, qua primum Tomum approbavi... , secundum Tomum approbo; & commendo, præclarissimumque, & Christiana Re publica perusilem, prælo, luceque publicâ, ac immortalitate dignum censeo.* Idem effusis laudibus prosecutus est Tomum 3. Fungosne putat Quæsitior, aut stipites Viros tantos, ut Opus adeo Scholæ suæ injuriosum comprobarint, tamquam genuina SS. Augustini & Thomæ menti consentaneum, & à Thomistis non parvi facendum? *E denter dico, Quæsitorem hæc vel ignorare turpissimè, vel pessimè dissimulare, ut inter Scholas Catholicas, quæ Quenellianos Hæreticos conjunctis armis animisque debellant, discordias seminet, & per atroces quidem convictasque calumnias. Et ubi Thomistis ea in os dicit Fontanus, ex quibus pomum discordiæ captat Quæsitior? Hic lacrimis, hic fasciis frontem obvolvât, quam fortasse ne Quenellianis quidem moderatioribus audebit ostendere, ut qui Folia suo toti Factioni non mediocriter nocuerit.*

Ceterum calumniam in Refractarios rejeci Dial. 3. à §. 101., & inter Appellantes, Protestantes, Deliberantes non magis convenire ostendi, quam juxta Gregorium IX. in Constitutione contra Catharos &c. convenerit inter vulpes Samsonias, aut Cadmæos fratres. Idne etiam Quæsitior ignorat turpiter; an pessimè dissimulat?

Jactat denique: *Possẽm plura alia adjicere, si tempus suppetere.* Quin & insultat: *Si rite satisfacere desitibes, aude ne mussare quidem ad hæc audes; clamis abunt omnes; non esse Christiani hominis, .. nullo fundamento fratres suos hæresos insimulare.* Patronus Protestantium passim.

Respondi in Opusculis meis jam sæpe ad plura ista alia, quæ a Patrono Protest. furari posset, *si tempus suppetere.* Quenellianos fratrum, seu Catholicorum nomine falsò gloriari

riari, evici sapissime; quæ ignorat, turpiter, vel pessimè dissimulat Quæstor. Si tempus non suppetit, quia ex arena disputationis discedit; gratulor, quod sibi consulat: hortorque, ut tempus quod ad deponendam & retractandam pertinaciam suppetit, avidè arripiat: ne frustra vel horam inclamet, cum tempus non erit amplius. Apoc. 18. v. 7. Si hortanti mihi satisfacere detrectet; & tamen ne mussare quidem ad hac audeat, clamitabunt omnes, esse Hæretici convicti, non habere quod musset adversus fidei Catholicæ regulam, nec tamen eam amplecti velle. Sin hanc post S. Facultatem Nannetensem 1. Feb. 1723. (quam olim errantem Patronus Protest. ostentabat Ducein) nec non Pictaviensem 2. Jan. 1723., amplexus fuerit; Christiani hominis partes impleverit, & hæresi valedixerit. Quod si musârît; cogitet quid respondere etiam possit ad intallibilitatem Pontificis cum Ecclesia Romana particulari? Item Pontificis cum majori parte Ecclesiæ Universalis? Quam ego ut certissimam agnosci etiam à Gallis, & pro Constitutione evidentissimè militare, demonstravi Past. Boni p. 1. à f. 94. usque ad 127: tacuit Patronus Protestantium.

## COMPENDIUM SENTENTIÆ.

„**N**OS GUILIELMUS DELVAULX Presbyter  
 „ S. T. Doctor .... Alma Universitatis Studii Generalis  
 „ Oppidi Lovaniensis RECTOR .... Attento Dominorum  
 „ Apostolici, Regii, & Archiepiscopalis Censuræ judicio ... tenoris sequentis: ... Declaramus nos ... deprehendisse, præfatum folium (Interrogata brevior &c.) sine  
 „ ulla approbatione, sine nomine Impressoris, aut loci impressionis editum, esse TEMERARIUM, SCANDALOSUM, PERNICIOSUM, SUMMO PONTIFICI, EPISCOPIS, TOTIQUE  
 „ ECCLESIAE NEDUM CONTUMELIOSUM; VERUM ETIAM  
 „ EORUMDEM AUCTORITATI IMPUDENTER DEROGANS, NEC  
 „ NON DEBITÆ EIS OBEDIENTIÆ JUGUM PRORSUS EXCUTIENS, ac denique, Heterodoxorum exemplo præeunte,  
 „ Apostolicam Constitutionis UNIGENITUS doctrinam, quam  
 „ tota Christi Ecclesia debito obsequio, atque obedientia suscepit, SCURRILITER, IMPIE, AC BLASPHEMÈ TRADUCENS. Quibus consideratis, dictum folium censemus esse  
 „ quantocius & severe prohibendum, atque ad aliorum exem-

„plum, iustumque terrorem, publicâ ignominia, etiâ com-  
 „BUSTIONIS afficiendum: sed & in Auctorem, Impressorem,  
 „Venditorem, ac Distributorem esse inquirendum, & juxta  
 „Sacros Cănones esse animadvertendum. &c. Dabamus Lo-  
 „vanii 4. Maii Anno 1723. HERMANNUS DAMEN S. T.  
 „Doctor Regens, &c. &c. GERARDUS JOSEPHUS DE  
 „QUAREUX S. T. Licentiatus, &c. &c.,

„Hinc est, quod iis malis; quæ ex similibus famosis,  
 „scandalosis, & detractoriis Scriptis oriuntur, occurrere  
 „volentes, de plurium Theologorum, & Juris-consul-  
 „torum consilio pariter & assensu auctoritate nostrâ Re-  
 „ctorali, seu potius Apostolicâ & Regiâ, quâ in hac  
 „parte fungimur, solum Deum præ oculis habentes,  
 „prædictum Scriptum prohibuimus & proseripsimus,  
 „prout prohibemus & proseribimus per præsentem, in-  
 „jungentes omnibus Suppositis nostris ut, si quæ exem-  
 „plaria præfati libelli habeant, eadem ad nos statim &  
 „indilatè deferant, & manifestent nobis, si quem sciant  
 „habere talia exemplaria, ... *sub pœna excommunicationis*  
 „*majoris pso facto*, dicto termino elapso, *incurrenda*.  
 „item sub multa 25. florenorum in singula exemplaria  
 „per eos detenta. Mandamus insuper & ordinamus, ut  
 „præfatum Scriptum per Ministrum justitiæ in Atrio Hal-  
 „larum nostrarum *publ ce laceretur & igne absumatur*. &c....  
 „Datum Lovanii sub sigillo nostro Rectorali & Secreta-  
 „rii nostri signaturâ, anno Dom. 1723. mensis Maii die 8.

De mandato Magnifici D. Rectoris.

Et signatum erat: BART. HENDRICKX Secret.

„Hodie 10. Maii, horâ matutinâ, præscripta Executio  
 „Lacerationis & Combustionis facta est in loco præscripto,  
 „quod attestor. Signatum erat: THEODOBUS LEONAR-  
 „DUS STREITHAGEN Promotor Universitatis.

#### A P P R O B A T I O N E S.

**H**Æc Petri Mallei Responsa Quæsitorem Plagiarium tam  
 citò, tam strenuè graviterque contundunt, ut ipsos  
 Quênellianos pudere debeat Defensoris sui adeò inepti; qui  
 nil afferre potuit, nisi anticipatâ confutatione penitus  
 enervatum. Datum 14. Maii 1723.

H. DAMEN S. T. Doct. Regens, Lib. Cens.  
 G. J. DE QUAREUX S. T. Licent. Lib. Cens.